


叢書集成續編

第二三六冊目錄

史地類



陝西地理及其地方史

關中勝蹟圖志三十卷(二)(卷二十四至卷三十).....

清 畢沅撰

關中

一

福建地理

閩行隨筆一卷.....

清 范光文撰

適園 一〇五

台灣地理

裨海紀遊一卷.....

清 郁永河撰

昭代 一一九

臺遊日記四卷.....

清 蔣師轍撰

金陵叢書 一四一

廣東地理

南海百詠續編四卷.....

清 樊封撰

翠琅玕館 二一三

南越遊記三卷.....

清 陳徽言撰

雲南 二七五

赤溪雜志二卷.....

民 金武祥撰

江陰 三一

廣西地理

粵西瑣記一卷.....

清 沈日霖撰

昭代 三四七

黎岐紀聞一卷.....

清 張慶長撰

昭代 三六三

灘江雜記一卷附灘江游草一卷.....

民 金武祥撰

江陰 三七五

貴州地理及其地方史

黔中雜記一卷

黔語二卷

清 黃元治著
清 吳振械纂

檀 几 四一
靈峯草堂 四一七

雲南地理及其地方史

南詔野史二卷

滇雲歷年傳十二卷

明 楊慎編輯
清 胡蔚訂正
清 倪蛻撰

雲 南 四四七
雲 南 五一三

wt 93/05

關中勝蹟圖志卷二十四

兵部侍郎兼都察院右副都御史陝西巡撫畢沅纂

地理

榆林府釋名通志本漢榆溪塞水經注所謂諸次水東逕榆林塞是也謹案水經注諸次水東逕榆林塞即漢書所錄歷沙陵屈屬茲縣西北故謂之廣長榆明因塞置衛遂也王恢云種榆為塞是矣是府得名之因長榆明因塞置衛遂取名焉沿革府志治在省城北一千三百五十里禹貢雍州之域春秋時翟地秦為上郡地漢為上郡龜茲奢延西河郡固陰等縣地兼置屬國都尉後漢末廢晉義熙中赫連勃勃據地稱大夏國名其城曰統萬後魏始光四年平關中勝蹟圖志卷二十四關中書畫

為統萬鎮太和十一年改置夏州兼置化政郡謹案魏志和十二年置鎮西魏改郡曰宏化隋開皇初郡廢大業初改夏州為朔方郡河則在今府谷東北河套中今榆林實隋朔方郡也唐貞觀二年復為夏州屬關內道天寶初復改朔方郡乾元初仍曰夏州貞元三年置夏州節度中和二年賜號定難軍五代因之宋為西夏地謹案宋志綏德軍唐復廢為城隸延州元豐七年以延州米脂義合浮圖懷寧順安綏平六城皆隸綏德城元符二年改為軍又按金志綏德州大定二年升為州縣一清開泰十暖泉義合清遠臨夏白草米脂置第二將懷寧鎮遠綏平克戎置第四將元為綏德州地明成化七年始置榆林衛為延綏鎮治本朝雍正八年改置榆林府屬陝西布政使司領縣四曰榆

林神木府谷懷遠州一曰葭州形勝唐鄭汝璧都督題名記榆谿為九塞巖險第一綿亘千里李宗樞送張南溪撫延綏序延綏五路之襟喉三秦之要區孤懸絕漠控制諸邊左提右攜臂足扼吭固今之雄鎮也府城通志即舊衛城東枕駝山臨黃河明正統初築謹案明志正統初築增築北城後又拓南城嘉靖萬歷中相繼甃磚南關外有外城正德十年築西門外又有羅城隆慶元年築周十三里三百餘步門七唐許棠夏州道中詩茫茫沙漠廣漸遠耐折柳有寇似防兵不赫連城堡迥烽相見河移浪旋生無燁榆林縣釋名通志縣本榆林堡地謹案古真鄉寧朔銀州地皆在今榆林縣境中關中書畫

義與府同沿革一統志附郭漢置龜茲縣屬上郡為屬國都尉治後漢因之晉省後魏為夏州地後周置彌渾成隋開皇初改德靜鎮大業九年置德靜縣屬朔方郡唐貞觀七年於縣置北開州十三年州廢謹案唐志作十一年縣屬夏州五代因之宋沒於西夏謹案宋志綏德軍米脂皆本西夏為皆隸延州延川縣七年改隸綏德城元祐四年給賜夏人元符元年收復仍賜舊名金志米脂寨置第二將懷寧鎮元為米脂縣地明永樂初置榆塞成化七年置榆林衛為延綏鎮治本朝雍正二年省衛入綏德州八年置榆林縣為榆林府治形勝延綏鎮志榆林城在常樂保寧之中彪騰虎踞左山右水固天設嚴疆鎮之上游

神不縣釋名通志元縣名本宋神木寨也郭子章云縣西

十五里楊家城內有神松三株枝柯相連故曰神木沿革

縣志治在府東北二百四十里漢惠帝五年置陰縣謹案

莽曰方陰國字漢碑多作國索隱注史記亦云國三蒼作

國說文無國字然則國古字而顏師古注漢書翻以國為

謬字者屬西河郡後漢因之晉時荒廢後魏置石城縣謹

石城屬後周改曰銀城隋屬陰縣唐初屬勝州謹案唐

開元十二年析勝州之連谷銀城置銀城天寶元年分置

麟州兼置新秦縣為治其年改新秦郡乾元初復曰麟州

屬關內道五代周時屬北漢宋曰麟州新秦郡元豐中於

銀城縣界置神木寨政和四年省銀城入新秦縣金時地

屬西夏州縣皆廢元初於神木寨置雲州至元六年廢州

為神木縣屬葭州明不改謹案通志明洪武初省本朝乾

隆元年改屬榆林府形勝余廷諫建石城記西藩榆陽東

控河朔南翰關華北當套魯延安府志東阻黃河北控沙

漠山溪險隘延州保障之地縣志兩山雄峙三水環流南

望關中北臨河套縣城通志明正統中築周四里有奇門

四宋范仲淹麟州詩宣思來到極西州城下羌山

府谷縣釋名通志唐末置府谷鎮後唐升為縣縣從鎮名

也沿革縣志治在府東北二百里漢西河郡地隋唐為銀

城縣地後唐置府谷縣兼置府州謹案胡三省通鑑注府

麟州東北河濱地置續通典以為是宋以州置永安軍屬河

東路崇寧元年改曰靖康軍政和五年賜名榮河郡金時

地屬西夏元初仍曰府州至元六年州廢二十二年縣屬

葭州明不改本朝乾隆元年改屬榆林府形勝延安府志

境連沙漠勢據黃河延安之藩籬縣志黃河帶其南長城

繞其北地據上游勢若建瓴實關陝之險要也縣城通志

明正德中增築因河為池周五里有奇門六

懷遠縣釋名通志本名懷遠堡縣從堡名也沿革一統志

治在府西南一百六十里漢置奢延縣屬上郡謹案漢志

奢延水經注奢延水出奢延縣西南東後漢因之晉省後

北流逕其縣故城南王莽之奢節也四關中叢書

魏置嚴綠縣謹案嚴綠魏志一本作為夏州及化政郡治

西魏為宏化郡治隋為朔方郡治謹案唐志品級並同夏州及化政郡治

縣屬化政郡隋開皇三年廢唐貞觀三年改縣曰朔方為

夏州治謹案元和志夏州傳靜縣蓋漢朔方縣地周武帝

尋建為縣皇朝因之唐志德靜貞觀七年隸北開縣宋沒

於西夏元為米脂縣地明天順中置懷遠堡屬榆林衛本

朝雍正二年改屬綏德州九年置懷遠縣屬榆林府形勝

延綏鎮志波羅響水去邊七十里威武清平邊垣臨險阻

高峯峻坂可據縣城通志即舊堡城明天順中築萬曆中

盤磚周二里有奇門三

葭州釋名通志金州名以州臨葭蘆川也川在州西五里

岸多葭蘆故以名州沿革州志治在府東南一百七十里

漢西河郡固陰縣地晉時荒廢西魏置真鄉縣後周置真

鄉郡謹案隋志後周置隋開皇初郡廢屬雕陰郡唐屬銀

州謹案唐志貞觀二年折綬宋初屬西夏謹案宋志銀州

寧真鄉開光四縣五代以來為西夏所有熙寧三年收復

五年即永樂山川築新城距故銀州二十五里前據銀州

大川賜名銀川峇族被西人陷歿崇寧元豐中收復置葭

蘆著屬石州臨泉縣元符二年以著置晉寧軍屬河東路

金貞元元年屬汾州大定二十二年升為寧晉州二十四

年改曰葭州興定二年屬延安府元屬延安路謹案元志

六年併通秦為蒲州葭蘆入州併太和入神木建寧入府

也明屬延安府謹案明史洪武四年改葭縣屬綏本朝雍

正三年直隸陝西布政使司乾隆元年改屬榆林府形勝

章評修城記葭處榆林東隅廣切於邊延綏之腹背關陝

之襟喉延安府志亂山迴繞川水夾流崎嶇險阻邊方用

武之地省志東連黃河西繞蘆水峯巒迴抱道路險阻州

志東臨晉地萬山羅列蘆水黃河左右環抱一峯據其北

橫橫繞其南諺以鐵葭州稱之良不誣與州城通志宋熙

寧中置葭蘆寨據山為固因河為池至今稱為鐵葭州明

洪武初因舊址改建周三里有奇門二

名山

榆林府駝山在榆林縣城東通志一名東山城半踞其巔

高數十丈俗呼為東山土人多穴居之山形類駝鎮之得

名駝城以此

紅山在榆林縣北十里府志一名紅石峽山皆紅石地近

沙阜因築紅山墩延綏志山環列若屏障落日照之如霞

起兩崖飛湍電轉紅影外浮昔李繼遷葬其祖障水別流

鑿石為穴既葬復引水其上疑即此中有寺複道飛簷望

之如畫榆柳陰映映鳥驚啞啞榆溪之水所自出也越榆溪

而西為十里河風吹日映色如龍麟逶迤十餘里通志明

巡撫余子俊之塞堡植柳萬株其下明楊守謙遊紅石峽

傍斗城銀川朝氣合金粟暮雲平虎帳倚銀

騎龍河拔漢旌旄封侯思定遠投筆嫌書生

木礪神山在榆林縣南五十里延綏志明成化時有妖神

棲此立廟祀之後有道士經此書符呪之並焚其祠祟遂

殄息

本根山在榆林縣北套內晉書載記苻堅建元元年遣鄧

羌討劉衛辰擒之於本根山

馬良山在榆林縣北套內延綏志明嘉靖二十五年套夷

犯保安慶陽諸處總督曾銑遣將李珍搗其巢於馬良山

後即此

陰山在榆林縣北套外續漢書郡國志五原西安陽北有陰山水經注河水又南逕馬陰山西漢書音義曰陰山在河南謂是山也而實不在河南唐書地理志安北府有陰山縣天寶元年置謹案唐安北都護府東至榆林二百五十里

涿邪山在榆林縣北套外漢書匈奴傳天漢二年因杆將軍公孫敖出西河與強弩都尉路博德會涿邪山

寅顏山在榆林縣北套外漢書匈奴傳元狩四年衛青出定襄塞千餘里破單于兵北至寅顏山趙信城而還

大斤山在榆林縣北套外隋書突厥傳開皇末遣太平公史萬歲出朔州擊突厥達頭於大斤山

關中勝志卷二十四
關中叢書

燕然山在榆林縣北套外漢書匈奴傳征和二年李廣利出五原乘勝追北至范夫人城又北至郅居水上引還至

速邪烏燕然山單于遮擊貳師敗降後漢書竇憲傳永元元年竇憲破北單于於稽落山追至私渠北靉海遂登燕

然山去塞三千餘里刻石勒功而還漢班固封燕然山銘

有漢元舅曰車騎將軍竇憲寅亮聖恩登翼王宮納于大

麗惟清緝熙乃與執金吾耿秉巡塞治兵于朔方鷹

揚之校燭虎之士爰該六師暨南單于東胡烏桓西戎氏

羌侯王君長之羣驍騎十萬元戎輕武長轂四分雷輻蔽

路萬有三千餘乘勒以八陣蒞以威神元甲耀日朱旗絳

天遂凌高闕下難鹿經磧幽絕大漠斬溫禺以豐鼓血尸

逐以染鐔然後四校橫徂星流彗掃蕭條萬里野無遺寇

於是域滅區殫反旆而旋考傳驗圖窮覽其山川遂踰涿

邪跨安侯乘燕然躡冒頓之區落焚老上之龍庭將上以

據高文之宿憤光祖宗之元靈下以安固後嗣恢拓境宇

振大漢之天聲茲可謂一勞而久逸暫費而永寧也乃遂封山刊石昭銘盛德其辭曰鑠王師兮征荒裔勦凶虐兮

截海外實其德兮互地界封神丘兮建隆嶺照帝載兮振萬世

黑山在榆林縣北套外魏書蠕蠕傳神龜二年討蠕蠕帝出東道向黑山長孫翰從西道向大峨山同會賊庭襲之

至栗水大檀衆西奔唐書鄧知運傳開元四年突厥降戶叛知運領朔方兵邀擊於黑山呼延谷大破之

鐵山在榆林縣北套外唐書突厥傳貞觀四年李靖出定襄進屯惡陽嶺夜襲頡利頡利驚退牙磧口走保鐵山靖復襲擊大破之已上榆林

龍眼山在神木縣東南百步通志上有二穴穿透如龍眼

關中勝志卷二十四
關中叢書

縣志哈呀突起類龍頭角

香爐山在神木縣東北一里通志明武宗賜名鳳頭山縣志峯峭如削其頂最圓而稍舒如喙朝霞掩映灼之生輝

東爲虎頭山又東北爲錦屏山山形峻峭布列如屏泗滄之水遶其下

駝兒山在神木縣西三里通志首尾皆峻中稍低凹儼若駝峯明武宗賜名筆架山

沈家寺山在神木縣西南三十里延綏志山石有巨人跡長一尺五寸闊五寸車輻跡一道俗傳周世宗微時憩此

又縣西南八十里有點軍崖在柏林堡南相傳秦王過此

點軍今有馬蹄及人跪坐衣文在石

白龍寺在神木縣東南十里通志四面壁立祇通一徑登者拾級聚足以上土人多有結廬而居者又縣東十里有鳳凰石相傳宋時鳳鳴於此

臥龍峯在神木縣東北縣志在永興堡東南十五里夏將訛龐東侵宋將郭恩被執於此

跋那山在神木縣北套內魏書蠕蠕傳登國六年討蠕蠕溫紇提西遁魏主追至跋那山溫紇提降溫紇提之子曷多汗棄父西走長孫肥輕騎追至跋那山斬之

骨羅山在神木縣北套內魏書明帝紀永興五年帝西幸

關中勝蹟圖

卷二十四

九

關中叢書

五原校獵於骨羅山

雞秩山在神木縣北套外漢書匈奴傳本始二年祁連將軍田廣明出西河塞千六百里至雞秩山已上神木

五虎山在府谷縣東一里雍勝略五峯雄峙其形如虎延

安府志一名五龍山下有香爐山曾有仙人煉丹於此

桃花洞在府谷縣城南通志洞有硃沙豔如桃花又千佛洞在桃花洞南又懸空洞在縣東門外高踞城巔俯瞰洪流又洪濟洞在縣小南門外

水塞山在府谷縣北十五里通志兩川夾流山峙川中

龍峯山在府谷縣東北三十里通志山形盤曲紆迴上有

高峯特立樹木陰翳旱禱輒應建有龍王廟

青石崖在府谷縣東北九十里通志在黃甫營北又相近有竺球臺巨石巔屹一名蓮花臺

暖泉山在府谷縣北套內九域志山在豐州西北三十七

里謹案豐州故城在府谷北五十里

沙角山在府谷縣北套內三秦記河西有沙角山峯嶸危峻逾於石山其沙粒麓色黃如乾糲又山之陽有泉名沙井綿歷今古沙不填之人欲入穴即有鼓角之聲震動人足九域志豐川西五十里至沙井嶺

薛林山在府谷縣北套內魏書明帝本紀後魏泰常四年

關中勝蹟圖

卷二十四

十

關中叢書

帝從君子津西渡大狩於薛林山

拔鄰山在府谷縣北套內魏書太武帝紀始光四年西討赫連昌濟君子津次拔鄰山衛志山去君子津二百餘里

石門山在府谷縣北套外漢書匈奴傳太初三年光祿徐

自爲出五原塞數百里遠者千里築城障列亭至廬胸謹案

顏師古曰廬胸地理志稻陽縣北出石門障得光祿城水

山名也胸音勛地理志稻陽縣北出石門障得光祿城水

經注石門水出石門山謹案石門山在舊臨沃縣境禹貢錐指廬胸山

謂之光祿塞按元和郡縣志石門障即光祿城古入匈奴

大路已上府谷橫山在懷遠縣西南接安定縣界縣志宋元豐中种諤上

言嶺山延袤千里多馬宜稼且有鹽鐵之利其城壘控險足以守禦即此

契吳山在懷遠北套內十六國春秋赫連勃勃北遊契吳歎曰美哉臨廣澤而帶清流吾行地多矣自馬嶺以北大河以南未之有也元和郡縣志山在朔方縣北七十里

謹案水經注云河水左合契吳山水在定襄桐過之下則山當屬山西境抑或別有一山存以俟考

木瓜嶺在懷遠縣北套內唐書地理志朔方縣有木瓜嶺陽山在懷遠縣北套外水經注河水東逕陽山南漢書注

曰陽山在河北指此山也又東流逕石蹟阜西是阜破石之文悉有鹿馬之跡自高闕以東夾山帶河陽山以西皆

關中勝志卷二十四 十一 關中叢書

北假地禹貢錐指陽山即陰山山在中國極北漢書侯應曰北邊塞至遼東外有陰山東西千餘里計陰山綿互直

抵遼東非河南所能容信徐廣之謬謹案徐廣曰陰山在河南陽山在河北已

西嶺山在葭州西五里葭蘆川旁通志宋將薛義敗夏人於葭蘆西嶺即此又相近有桃李塢東申家灣東遶蘆水

西峙石崖清泉盈耳桃李怡目落珠山在葭州西七十里五女川西州志石崖壁立亂水

噴注如落珠相傳宋兵至此亂箭射石水隨箭鏃迸出土人名曰萬箭崖

塢兒山在葭州西北百四十里州志上有小塢在真鄉川北嘉靖間吉囊侵東路至此

白雲山在葭州東南五里州志峯頂常有白雲繚繞因名爲一州勝境

第一峯在葭州北五里通志高出羣峯又有飛來石在州北三里許片石掛於懸崖相傳昔時飛落於此

嵯峨峯在葭州南三里許通志崔嵬巨石立南山之崖若踞踞然其下爲龍虎灣在州南舊城下其南山下有石長

十餘丈橫峙葭蘆河中形若臥龍水爲所障折而北流其北當水之衝有一石踞坐如虎其水至此轉而東流遶龍

關中勝志卷二十四 十二 關中叢書

之右東出題詩崖在葭州西北五十里通志秦塞葭蘆河西州志巖邊石上有朱子詩二首似古鳥跡體首云深山隱玉樹餘不

能辨石鼓崖在葭州北百里漢樓子溝西通志青石一片長丈餘架兩石上又落大石一隙其中形如鼓圈覆青石上其

聲如鼓萬戶谷在葭州北八十里通志宋咸平中唆訛引趙保吉之衆從此入寇麟州

謹案麟州今屬神木古爲沃壤谷中有居民萬家又鳳凰谷在萬戶谷東北層巒特出南憑黃河高數百

仞又谷北有獅子石聳峻玲瓏其巔突出石笋上閣下狹攀援而上可容數十人東臨黃河一名獅撲石

龍頭岡在葭州東南百步通志岡之東有果老洞層崖橫出洞臨黃河俗傳果老曾居此相近有香爐石在州治東麓石笋突出高十餘仞駕木爲橋構觀音閣其上俯臨黃河宛然中流之柱

鞦韆塢在葭州東北百里雍勝略有大樹植兩山之巔其下爲大道行者望之若鞦韆架故名已上葭州

大川

榆林府諸次水在榆林縣東又東南流入葭州界今名葭

關中勝志卷二十四 十三 關中叢書

蘆川山海經諸次之山諸次之水出焉而東流注于河水

經注水出上郡諸次山東流逕榆林塞其水東入長城小

榆水合焉歷潤西北窮谷其源也又東合首積水水西出

首積溪東注諸次水又東入於河延綏志沙河出雙山堡

西北卽眞鄉之葭蘆河也南合堡東宋家河又南合謝家

莊車道溝水又南至投河合關家川水過柳樹會又南合

眞鄉水抵通秦寨流石峽中合五女川爲陵蘆河至葭州

城南入黃河謹案眞鄉縣舊屬葭州柳樹會在葭州西北一百里

奢延水在榆林縣西南自懷遠界來逕魚河堡與西河合

又東南入米脂界水經注奢延水又東逕廣施縣合帝原

水又東逕廣施縣南謹案漢廣施縣今屬綏德州

帝原水在榆林縣北十里亦名明堂川卽西河也漢書地

理志廣施縣有帝原水水經注帝原水西北出龜茲縣東

南流注奢延水謹案龜茲故城在縣北延綏志西河在鎮城西卽榆

溪源出塞外葫蘆河南入紅石峽水自石崖流下陡落數

千仞匝隍塹於城西遂爲西河南流至鎮川堡入無定河

謹案水經注諸次水卽榆溪延綏志又謂西河爲榆溪或以沙河至葭州入河者爲諸次水以西河至魚河堡入

無定河者爲帝原水與延綏志異而與蕭氏水通合從之

龍王泉水在榆林縣城中延綏志一名南門河一名南泉

自山半湧出匯而爲池疏而爲寶周灌城中鎮人所汲養

也嚴冬薪勃水氣如蒸而南入西河

關中勝志卷二十四 十四 關中叢書

柳河在榆林縣西南十五里延綏志源自西南入西河長

湖數頃其地可耕成化植柳數千株萬歷中翦伐殆盡

楊官海在榆林縣西二十里延綏志凡水之所會渟而不

流者邊人通謂之海水不大而海者渟之盛也楊官海又

西十里曰方家海又西十里曰酸梨海又稍南曰天鵝海

黃河在榆林府北塞外自延安府界流來又東南入府谷

界水經河水北過朔方臨戎縣西屈從縣北東流至河目

縣西注河水自臨河縣東逕陽山南東流逕石跡阜西南

屈逕河目縣在北假中謹案北假中在今懷遠西北北河又南合南河

南河上承西河東逕臨戎縣故城北又東逕臨河縣又東逕廣牧縣故城北經流二百餘里東會於河謹案廣牧豐北河水又南逕馬陰山西又東南逕朔方縣故城東北謹案什黃故城即朔方縣在今懷遠縣北經屈南過五原西安陽縣南注河水自朔方東轉逕渠搜縣故城北謹案渠搜在廢夏州之北今爲府西北境又東逕西安陽縣故城南謹案西安陽縣在廢豐州東北今爲府西北境又東逕田辟城南謹案田辟城在廢豐州東北今爲府西北境經東過九原縣南注河水又東逕成宜縣故城南謹案成宜在廢豐州東北今爲府西北境又東逕原亭城南謹案原亭在廢豐州東北今爲府西北境又東逕宜梁縣故城南謹案宜梁在廢豐州東北今爲府西北境又東逕稻陽城南又逕河陰縣故城北謹案稻陽水經注一本作副陽者非二地

關中勝志 卷二十四 十五 關中叢書

俱在今神木縣北 又東逕九原郡故城南謹案九原郡秦置漢更曰五原在今神木縣北經又東過臨沃縣南謹案臨沃注河水又東枝津出焉又東流石門水南注之又東逕稻陽故城南又東南枝津注焉水上承大河於臨沃縣東流七十里北溉田南北二十里注於河河水又東逕塞泉城南而東注經又東過雲中槓陵縣南又東過沙南縣北從縣東屈南過沙陵縣西謹案槓陵即廢東勝州沙陵雲中郡並在河東岸注河水屈而流白渠水注之其水西注沙陵湖又有芒干水西南注沙陵湖湖水西南入於河經又南過赤城東又南過定襄桐過縣西注河水於二縣之間濟有君子之名謹案定襄桐過並在河東

岸屬又東南左合一水水出契吳東山西流注於河又南樹頽水注之又南大羅水注之謹案諸水俱在山西又左得浦水口衛志黃河在衛北千里自寧夏衛橫城堡西折而北過平寇城東百餘里又東北流過古豐州西北折而東經三受降城南至廢東勝州西折而南入府谷縣黃甫川東九里其中謂之河套周圍數千里

諾水在榆林府北套外漢書匈奴傳元帝初元和都尉韓昌光祿大夫張猛使匈奴與單于登諾水東山刑白馬爲盟顏師古注諾水即今突厥地諾真水也

鹿渾海在榆林府北套外魏書道武帝紀登國五年西征次鹿渾海襲高車袁紇部八年西征侯呂鄰部至苦水皆大破之

鵲鵲泉在榆林府北套外唐中受降城北唐書回紇傳貞觀中以回紇歸附詔於磧南鵲鵲泉之陽置郵額根河在榆林府北套外魏書蠕蠕傳太平眞君四年討蠕蠕帝出中道至鹿谷與賊相遇吳提遁走追至額根破之車駕至石水而還

栗水在榆林府北套外魏書蠕蠕傳神麌二年討蠕蠕出黑山次於沙漠南輕騎至栗水大檀西奔帝緣栗水西行過寶憲故壘次於苑園水去平城三千七百里已上榆林

關中勝志 卷二十四 十六 關中叢書

黃河在神木縣東百二十里自府谷界流入與山西興縣分界又南入葭州界水經注河水又南過西河圖陽縣東謹案圖陽故元和郡縣志麟州東至嵐州界黃河一百二十里州即今奇嵐州在山西通志自府谷縣盤塘南六十里沿河府神二境相雜至沙峁頭入本境屈野河入焉又南流二十里至棗塔溝入葭州界

屈野河在神木縣城西百步東南流入黃河宋史麟州西城枕畔晚曰紅樓下瞰屈野河縣志源出塞地五蘭峁兒遠筆架山之陽至縣南一百二十里沙峁頭入黃河宋司論屈野河西修葺狀竊以爲人臣者事君不避難有罪不逃刑臣先任通判并州軍州事日准經略司牒差任麟州

關中勝志 卷二十四 關中叢書 十七

勾當公事其屈野河西一帶田土積年以來爲夏人所侵臣委曲詢訪本州當職官吏以夏人侵盜爲日久論之則以理則不肯退縮通之以兵則動成戰鬪召之重定界至則所侵之地其本州官吏爲臣言州城之西臨屈野河自耕其田遊騎往往直至城下或過城東州人不知去歲已於河西置一小堡以處斥堠之人亦曾申經略司乞於其西增置二堡會今春以來寇騎屯聚偏滿河西經略令候西人退散別申取指揮今夏衆盡已退去自州城以西至大橫水須臾平數十里間絕無一人一騎若乘此際急於人再行點集此堡已皆有備寇不能外先侵之則麟州永無侵軼之虞州兵出入有所宿頓堡外先侵之則麟州永能耕種之虞州兵出入有所宿頓堡外先侵之則麟州永尺寸之地蓋以夏侵耕至河則麟州孤危果能成此二堡以爲麟州耳目藩蔽於事誠便遂歸具以官吏所言白於龐籍籍用臣言即牒麟州令依前申修築二堡仍令精加探候廣設堤備戒諭約束莫非丁等蓋欲乘閒急修故不暇取旨俟報但曾奏知而已不期牒到之後元未興修夏

人已復大集於五月五日彼處兵官引一千許人夜開城門徑往屈野河西前無探候後無策應中無部伍但煮酒食不爲戰備以此逢敵如何不敗遂令所謀之事悉皆無成此乃諸將恃勇輕敵臨事無備之所致本非修堡之過况自元吳納款以來麟州修築堡寨及出兵過屈野河西前後非一雖與寇遇未嘗敗北明知今日之敗在於無備不在修堡與過河也然臣竊聞議者乃以龐籍爲擅修堡寨引達於龐籍籍未嘗省本因臣與麟州官吏商量傳道其言達於龐籍籍伏自惟省本因臣與麟州官吏商量傳道慮不熱經議大事當伏重誅今乃使議者悉歸咎於龐籍臣豈敢晏然不言苟求自脫上負聖朝死有餘責臣雖小人義不忍爲伏望陛下察龐籍本心欲爲國家保固疆圉獨治臣罪以正典刑雖蹈鼎鑊亦無所恨

老龍泉水在神木縣西北十五里通志樹木陰翳泉水清漪有龍神祠旱禱輒應其水入屈野河

柴溝在神木縣西通志明天順二年李來入寇神木總兵

關中勝志 卷二十四 關中叢書 十八

張斂敗之於柴溝即此

駱駝堰在神木縣西北百里一統志唐張說追黨項經此大葭蘆水小葭蘆水在神木縣北套內元和郡縣志大葭

蘆水在榆林縣西二百二十里小葭蘆水在縣西二百四十里地甚良沃謹案唐榆林即勝

浦水在神木縣北套內水經注浦水出西河郡美稷縣俗亦謂之湍波水東南流入長城東鹹水出長城西鹹谷東

入浦水浦水又東南渾波水出西北窮谷東南流注於浦水浦水又東逕西河富昌縣故城南又東流入於河謹案

故城在勝州南已上神木

南已上神木

黃河在府谷縣東三十步東南正南至河皆一百步自塞外流入又南入神木界通志自蓮花纏入境爲唐家匯渡流六十里至楊家川口黃甫川水入焉又十里至沙峯子清水川入焉又南二十里爲天橋又三十里逕縣境東南孤山川入焉又百五十里至橋塘渡

清水川在府谷東北五十里自西北沙漠界流入東南注於河通志邊方士騎賴以汲飲又縣東北六十里有黃甫川自塞外牛武城南逕黃甫營邊牆入口南流入於河

九股水在府谷縣西南通志一名孤山水源出草地九源並導合爲一流東南流入邊牆逕鎮羌堡東孤山堡西又

關中勝蹟圖志卷二十四十九關中叢書

東南流三十里入黃河

石馬川在府谷縣西三十里通志相傳有石馬至其處今馬跡猶存

虎澤水在府谷縣北套內卽武澤漢書地理志西河郡穀羅縣武澤在西北後漢書梁懂傳永初三年南單于圍中郎將耿种於美稷明年度遼將軍梁懂赴救至屬國故城與戰破之單于引還虎澤懂又與种進攻虎澤單于乞降

謹案上林賦紫淵經其北文穎曰穀羅縣西北有紫澤則虎澤又卽紫澤也已上邊外大川附見府谷

奢延水在懷遠縣北卽無定河俗又名泥忽都河晉書載記赫連勃勃於朔方水北營都城水經注奢延水西出奢

延縣西南赤沙阜山海經所謂生水出孟山者也謹案孟水經注作孟考郭璞山海經注云孟或作俗謂之奢延水明古聲孟明同則作孟者非也今改正

又謂之朔方水東北流逕其縣故城南又東北與溫泉合又東黑水入焉又東合交蘭水又東北流與鏡波水合

謹案奢延故城元和郡縣志朔方縣無定河一名奢延水源出在縣西北

縣南百步謹案唐朔方故城在縣北延綏志泥忽都河出龍州堡南宜家畔合城北烏龍洞泉及城西水東流四十里清平水北

注之又東柳泉兒水北注之又東狄青原水北注之又過響鈴塔威武堡暗門水出其東又海棠河及東西二河俱

出鎮靖堡塞外東流注之又東過懷遠堡苦水川合固水

關中勝蹟圖志卷二十四二十關中叢書

會之爲無定河至波羅堡北折而南流黑木頭水鮑家寺水東注之又過響水堡東入榆林界其畝水出清平堡外白城兒東流合夏河兒入波羅堡與泥忽都河會

臣謹案固水在葭州今名秃尾河其以奢延水爲固水誤自歐陽忞輿地廣記始前明人地志往往承之近時譚吉璫撰延綏鎮志亦不知辨但此出清平堡外之水本無他名今仍其文而辨正之如此

黑水在懷遠縣北今名石窯川晉書載記赫連勃勃於黑水之南營都城水經注黑水出奢延縣黑澗東南歷沙陵注奢延水元和郡縣志烏水出朔方縣烏澗本名黑水避

周太祖諱改名縣志石窯川在威武堡北塞外東南流經懷遠堡爲亂窯川河又有打狼河自塞外南流逕堡東入焉又東南逕波羅堡入泥忽都河謹案石窯川打狼河諸水俱自邊外流入黑木頭溝河在懷遠縣東南四十里一統志源出威武堡鄧家塢王家塢東流合鮑家寺水至響水堡入無定河此疑卽交肅水

大理河在懷遠縣東南百五十里通志自清平堡東流合小理河逕縣境一百里入綏德州界又小理河在縣東南百二十里源出清平堡東老虎塢東流至巡檢司溝合於大理河逕縣境六十里

關中勝志卷二十四 關中叢書 二十一 橫水在懷遠縣北套內古朔方縣南唐書地理志橫水五十九里至什賁故城回紇傳會昌三年回鶻烏介可汗入雲朔剽橫水殺掠甚衆

鹽澤在懷遠縣北套內漢書地理志朔方縣金連鹽澤青鹽澤並在南水經注魏土地記曰朔方縣有大鹽池其鹽大而青白名曰青鹽亦一名戎鹽入藥分元和郡縣志鹽澤在什賁城西南延綏志朔方縣南有蓮花城紅鹽池在其東長鹽池在其西

地斤澤安慶澤在懷遠縣北套內宋史夏國傳太平興國七年李繼捧入朝其族弟繼遷自銀州奔入地斤澤澤距

夏州東北三百里又淳化初繼遷與繼捧戰於安慶澤余吾水在懷遠縣北套外山海經北鮮之山鮮水出焉北流注余吾水漢書匈奴傳天漢四年貳師將軍李廣利出朔方匈奴聞之悉遷其累重於余吾水北單于自率衆將待水南接戰連日引還已上懷遠

黃河在葭州東一里自神木界流入與山西興縣臨縣分界又南吳堡界水經注河水又東端水入焉水西出號山東流注於河河水又南諸次之水入焉又南湯水注之山海經曰上申之山湯水出焉東流注於河州志自神木界沙峁頭入州境東流南折至螞蟥谷入吳堡界沿歷二百里

關中勝志卷二十四 關中叢書 二十一 彌勒河在葭州北七十里自神木界屈家南溝歷彌川寨至州北萬戶谷東入黃河延綏志在高家堡南宋於此置彌勒砦

秃尾河在葭州東北五十里自邊外流入又東入河漢書地理志上郡白土縣圖水出縣西東入河謹案白土縣今屬邊外水經注圖水出上郡白土縣圖谷東逕其縣南東至長城與神銜水合水出縣南銜山出峽東出至長城入於圖圖水又東逕鴻門縣又東梁水注之水在西北梁谷東南流注圖水又東逕圖陰縣北又東桑谷水注之水出西北桑溪

東北流入於圖又東逕圖陽縣南東注於河謹案鴻門圖陰故城並在
州西隋書地理志開光縣有圖水謹案開光故城在州北即漢圖陰地州志
自建安堡塞外擡囊山分流一為蘇麻河一為惡水河又
東逕高家堡北柏林永利水入焉又南蒺藜川入焉又南
三十里至虎頭峽西開光川入焉東以兩山約流二百餘
里至州東北入黃河

臣謹案唐志云銀州東北無定河即圖水而後人遂皆
謂奢延水為圖水然考水經注圖水在東北奢延水在
西南各自入河源流迥別故有謂秃尾河即圖水者揆
之漢魏地理郡邑方位皆相吻合當非臆斷從之

關中勝志卷二十四關中叢書

永利河在葭州北百七十里自神木縣界流逕高家堡西
北入秃尾河通志即水經注之神銜水

開光水在葭州北百里通志以故縣得名俗訛為開荒川
州志發源州北百二十里黑龍潭流五十里至三角城虎

頭峽東入秃尾河即後魏開光郡也宋時李繼隆軍出開
光谷西杏子坪即此謹案開光川當即水經注之梁水又寧河在州東北

四十里發源州北八十里王元溝南與寧河寨水合歷山
谷中行四十里至州東北入黃河謹案寧河疑即水經注之寧水

葭蘆川在葭州西五里自榆林界流入又東南入黃河元
和郡縣志真鄉縣有葭蘆水源出縣西北謹案真鄉故城在州西北詳見

榆林

真鄉川在葭州西百里通志即古真鄉郡也今訛為丁香
川一名明堂川源自沙漠流來下合葭蘆川謹案榆林之西河亦名明

五女川在葭州西北十里州志源出州西落珠崖東入葭
蘆河延綏志以有五女墓名

黑水坑水在葭州南八十里州志源出米脂縣桃花峽其
色如墨至州南八十里荷葉坪東入黃河又烏龍河在州
南二十里發源州西劉世材溝至州南谷口東入黃河謹案

水經注之湯水當即烏龍
黑水諸水然無明證存考

關中勝志卷二十四關中叢書

鹽溝在葭州北八十里延安府志地出鹽泥東距黃河西
抵沙漠為州北要區

虎谷溝在葭州北百七十里高家堡西州志黃河四圍突
出山石一片左右清泉數處環繞成溪花木蒼翳頗稱勝

槩

月賓泉在葭州北郭外迤西一里通志泉自半山石罅出
清冽而甘一名官泉已上葭州

古蹟第宅

榆林府晉真珠樓通天樓在懷遠縣太平寰宇記真珠樓
通天樓皆勃勃建在朔方縣城內

唐幽陵都督府通志在神木縣西九十里開元中置

石晉折氏圍府谷縣志在縣治內石晉後折氏世爲府州刺史創百花塢於郡圍爲一方之勝

古蹟 祠宇

漢火井祠在神木縣西南漢書郊祀志宣帝祠天封苑火井于鴻門地理志西河郡鴻門縣有天封苑火井祠火從地出謹案鴻門廢縣在神木縣西南地理風俗記圖陰縣西五十里有鴻門亭天封苑火井廟

明余肅敏祠在榆林縣南門外一統志祀延綏巡撫余子俊

關中勝志 卷二十四 二十五 關中叢書 姜愍忠祠在榆林縣治內一統志祀寧夏總兵官姜漢

古蹟 郊邑

秦長城在榆林縣西水經注諸次水東入長城小榆水合焉又走馬水出西南長城北陽周縣故城南橋山東北流入長城又東北注奢延水元和郡縣志秦長城在德靜縣西二里寧朔縣北十里謹案德靜廢縣在縣西寧朔廢縣在縣南後周於潰長城詩秦王豈無德蒙氏非不武豈將版築功萬里遮胡魯圍沙世所難作壘明知苦死者倍堪傷屍猶抱杵十年居上郡四海誰爲主縱使骨爲塵冤名不入土唐王無競長城詩秦世築長城長城無極已募兵四十萬興工九千里死人亂如麻白骨相委棄殫弊未云戕窮毒豈知止邊塵未北滅楚兵遽東起六國遂罷兩龍鬬鬻卵金竟握議返璧俄淪祀仁義寢邦國但暴行終始一日咸陽宮翻爲漢朝市李益長城詩漢家今上郡秦塞古長城有日雲長慘無風

沙自驚當今聖天子不戰四夷平

什賁故城在懷遠縣北太平寰宇記什賁故城在縣治北卽漢朔方縣故城詩所謂王命南仲城彼朔方是也漢武帝元朔二年收河南地置朔方五原郡使校尉蘇建築朔方公孫宏數諫以爲疲中國以奉無用之地願罷之使朱買臣難宏發十策宏不得已由是卒城之自漢至今常爲關中根柢

榆溪塞在榆林縣南史記趙世家武靈王二十年西略地至榆中並河以東屬之陰山城河上爲上塞項羽本紀蒙恬北逐戎人開榆中地數千里正義蘇林曰在上郡崔浩

曰蒙恬樹榆爲塞也水經注榆林塞世謂之榆林山自谿西去悉榆林之數故謂之廣長榆也元和郡縣志榆林關在榆林縣東三十里東北臨河秦却匈奴之處隋置榆林關北周庾信榆林關塞軍行詩人風占陣氣六甲候兵輜重夾纒酌水勝單醪陣後雲逾直兵深星轉高電駭龍馬山精鑊寶刀塞迫翻榆葉關寒落雁毛旣得從神武何須念久勞又詩榆林關斷投信漢使絕經過胡笳落淚曲羌笛斷腸歌纖腰減束素別淚橫波淚心終不歇紅顏無復多枯木期填海青山望斷河元周伯琦榆林詩昔人林自漢相傳舊但見柳青青夾路忘炎書行旅蘇汗喝車騎藉陰覆培植將百年明錦繡輦路中平形勝信天授宛如道衡廬中峯望雲岫初夏別都城攀條集親友茲還秋將中涼應滿衣袖物態有變容歲月如反手不問柳與榆生意要悠久